

Húl kry nuwe Ekstra Myl-pryse

Die nuwe Ekstra Myl-pryse is vanjaar op die Momentum Beleggings Aardklop-fees aan Fränzo Friedrich, bemarkingshoof van Momentum Beleggings, en Jean-Marc Stidworthy, direkteur van bemarking en studentewerwing van die Noordwes-Universiteit se Potchefstroom-kampus, vir hul groot bydrae tot die fees oorhandig.

“Aan elke kunstenaar, akteur, aktrise, regisseur, ontwerper, teksskrywer, musikant, vervaardiger, tegnikus, voorportaler en borg – julle maak Aardklop moontlik en dis julle wat ons bestaansreg gee,” het Alexa Strachan, uitvoerende hoof van die fees, gesê.

“Dankie vir die harde werk, maar veral die passie. Dis waaruit ons by die kantoor inspirasie put en ons maak vasbyt.”

Friedrich sê Momentum Beleggings is trots daarop om betrokke te wees by Aardklop, “’n ware nasionale kultuur-bate”.

“Vanjaar se fees is ’n groot sukses, met vol teaters en ’n feestereïn wat kook. Wat ’n voorreg om ’n bydrae te kan lewer tot die kunste.”

By die ontvangs van die prys het Stidworthy gesê die Aardklop-span doen ongelooflike werk en hy meen hulle kry nie genoeg erkenning daarvoor nie.

Die beoordelaarspaneel, met Heidi Edeling as sameroeper, het bestaan uit Diane de Beer, Johan Myburg, David Brink, Mortimer Williams en

Sandra Prinsloo en Dawid Minnaar in *Die moeder*.
Foto: JEREMEO LE CORDEUR



Vanjaar se Aardklop-wenners

Beste visuelekuns-uitstalling

Tafadzwa Tega met *A Seed Will Take Its Time to Grow*

Beste musiekuitvoering

Elzabé Zietsman in *Femme is fatale*

Beste byspeler

Eben Genis in *Mirakel*

Aardklop Hartsvriende: Beste produksie

Die moeder

Beste akteur

Dawid Minnaar in *Mirakel*

Beste aktrise

Sandra Prinsloo in *Die moeder*

Beste nutgeskrewe Afrikaanse teks

Goed wat wag om te gebeur

Beste musiekgedrewe produksie

Femme is fatale

Beste aanbieding: Toneel

Die moeder

Beste regisseur

Marthinus Basson

Beste algehele aanbieding

Femme is fatale

Rineke Viljoen. Edeling sê namens die paneel: “Almal betrokke by Aardklop 2023 het gedemonstreer dat wanneer

ons ons krag terugneem, wonderlike produksies ervaar kan word.”

– **Netwerk24**